

ZAPISNIK

Sa posebne sjednice Skupštine Bosansko-podrinjskog kantona Goražde održane 14. jula 2010. godine u sali Skupštine Bosansko-podrinjskog kantona Goražde sa početkom u 9:00 sati.

Sjednici Skupštine Bosansko-podrinjskog kantona Goražde prisustvuje 21 poslanik, i to: poslanici Stranke demokratske akcije: Begović Alija, Mulahmetović Mirsad, Halilović Adis, Obuća Bajro, Agović Adis i Borović Mensud, poslanici Stranke za Bosnu i Hercegovinu: Turčalo Mehmed, Džemidžić Envera, Omerbašić Jasmina, Žuga Damir, Rahman Ferid, Adžem Memsur i Kumro Mesud, poslanici Socijaldemokratske partije Bosne i Hercegovine: Bašić Redžo, Mujković Dževida, Imamović Ibrahim i Bilić Dragomir, poslanik Bosanskohercegovačke patriotske stranke – Sefer Halilović Terović Dževad, Milović Daliborka, poslanica Stranke radom za boljitak i nezavisni poslanici u Skupštini Bosansko-podrinjskog kantona Goražde Tafro Hasan i Podrug Salko.

Sa sjednice odsutni: poslanici Stranke demokratske akcije Ferhatović Jasmin i Dozo Hasan i poslanici Socijaldemokratske partije Bosne i Hercegovine Frašto Emir i Kožo Mersudin.

Pored poslanika Skupštine Bosansko-podrinjskog kantona Goražde sjednici prisustvuju: Premijer Bosansko-podrinjskog kantona Goražde Uruči Nazif, sekretar Skupštine Bosansko-podrinjskog kantona Goražde Bašić Midhat, ministri u Vladi Bosansko-podrinjskog kantona Goražde: Pleh Muhidin, Kurtović Mustafa, Imamović Demir, Adžem Dževad, Imamović Demir, Sipović Nusret i Delizaimović Alma, predstavnik Ministarstva za privredu Hubanić Mirsad, direktor Kantonalnog stambenog fonda Šunja Ahmed, Kantonalni tužilac Bilajac Mirsad, predstavnik CCI-a, predstavnik Njemačkog LOT tima, te predstavnici sredstava javnog informisanja.

Skupštinom Bosansko-podrinjskog kantona Goražde predsjedava predsjedavajući Skupštine Alija Begović, a zapisnik vodi Menzilović Džemila.

Begović Alija – predsjedavajući Skupštine

Uvaženi gosti, gospodine Kantonalni tužioče, dame i gospodo dopustite da počnemo sa pripremom za otvaranje Posebne sjednice Skupštine Bosansko-podrinjskog kantona Goražde.

Poštovane kolegice i kolege za današnju sjednicu, a na osnovu diskusija sa prethodne sjednice, odnosno sa redovne sjednice Skupštine Bosansko-podrinjskog kantona Goražde, zaključili smo da je potrebno sazvati Posebnu sjednicu na kojoj bi smo dobili Informaciju o radu Kantonalnog tužilaštva u vezi sa postavljenim poslaničkim pitanjima a koja se odnose na procesuiranje ratnih zločina počinjenih na području Bosansko-podrinjskog kantona Goražde. S tim u vezi, kao Predsjedavajući Skupštine, dužan sam saopćiti, između ostalog, stav Kolegija koji se odnosi na, i koji je vezan za posebnu osjetljivost teme o kojoj ćemo danas dobiti informaciju. Stoga vas želim upoznati da je članovima 99. i 105. Poslovnika Skupštine Bosansko-podrinjskog kantona Goražde regulisana javnost rada Skupštine. Članom 100. stava Poslovnika predviđena je mogućnost da pristup informacijama može biti uskraćen samo ako one predstavljaju državnu, vojnu, službenu ili poslovnu tajnu. Dakle, članom 102. Poslovnika, također, regulisano je da sjednice, ili dio sjednica, na kojima se razmatraju pitanja regulisana stavom 2., člana 100. Poslovnika, biće održana bez prisustva javnog informisanja i zatvorena je za javnost.

U slučajevima iz predhodnog stava Predsjedavajući Skupštine dužan je obrazložiti razloge zatvaranja sjednice Skupštine za javnost. Nakon što smo na Kolegiju obavili konsultacije, a također, obavili konsultacije i sa Kantonalnim tužiocem zaključili smo da: obzirom da se radi o predmetima o kojim još traje istraga a ustupljeni su Tužilaštvu Bosne i Hercegovine i drugim tužilaštvima, eventualnim javnim prenosom mogli bi nepovoljno uticati na tok ovih istraga i stoga predlažemo da ova sjednica Skupštine se održi bez prisustva sredstava javnog informisanja.

Pozivam poslanike da se u skladu sa Poslovníkom očituju o ovom prijedlogu. Uredu, dakle pitam ko je za ovakav prijedlog? Izvolite, gosp. Kumro Mesud.

Kumro Mesud – Slušajući sad Predsjedavajućeg i kad sam saznao da je Kolegij odlučio da ova sjednica bude zatvorena za javnost moram izraziti svoje nezadovoljstvo i mišljenje da to nije trebalo tako uraditi. Neću Vas zamarati, imao bih ovdje niz činjenica na osnovu kojih tako mislim, ali ono s čim sam ubjeđen sa ćete se samnom složiti jeste da razlog zbog čega smo danas

zakazali ovu sjednicu je, između ostalog, prvi je i najjači što većina naših građana je strašno ljuta, nezadovoljna, zbunjena što do sada niko za ratne zločine počinjene u Goraždu nije procesuiran, nije podignuta optužnica, nije osuđen. Upravo zbog tog mislim da bi bilo dobro da javnost sluša sve ovo o čemu danas pričamo i stvarno za mene je lično, moguće je da ja nisam upravu, sve ono što imamo pravo mi poslanici čuti danas da nema nikakvih razloga da i javnost ne čuje.

Begović Alija – predsjedavajući Skupštine

Zahvaljujem se, da li još neko želi raspravljati o Prijedlogu Kolegija? Ako ne, stavljam na izjašnjavanje Prijedlog Kolegija da se sjednica zatvori za javnost.

Ko je za, molim, da digne ruku? /20 poslanika/

Ima li neko protiv? /1 poslanik/

Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, sa 20 glasova „za“ i 1 „protiv“, prihvatila da ovu tačku razmatramo i sjednicu vodimo zatvorenu za sredstva javnog informisanja. Stoga molim tehničku službu da isključe sa daljeg prijenosa i mi ćemo nastaviti ovu sjednicu.

Prije svega potrebno je da usvojimo dnevni red.

Za današnju sjednicu Kolegij Skupštine Bosansko-podrinjskog kantona Goražde predložio je sljedeći:

D n e v n i r e d

1/ Informacija o radu Kantonalnog tužilaštava Goražde u vezi postavljenih poslaničkih pitanja u Skupštini Bosansko-podrinjskog kantona Goražde.

Da li ima prijedloga za izmjene ili dopune predložene tačke. Ako ne, stavljam na isjašnjavanje predloženi dnevni red.

Ko je za, molim, da digne ruku? /20 poslanika/

Ima li neko protiv? /niko/

Da li se neko uzdržao od glasanja? /1 poslanik/

Kontatiram da smo sa 20 glasova „za“ i 1 „uzdržanim“ glasom usvojili predloženi dnevni red.

T a č k a 1.-

Prelazimo na 1-vu tačku dnevnog reda: Informacija o radu Kantonalnog tužilaštava Goražde u vezi postavljajnih poslaničkih pitanja u Skupštini Bosansko-podrinjskog kantona Goražde.

Poštovane kolegice i kolege, na osnovu naših, odnosno vaših, poslaničkih pitanja i izuzetne susretljivosti Kantonalnog tužioca koji je ponudio da na vaša pitanja odgovori u toku i na sjednici Skupštine Bosansko-podrinjskog kantona Goražde, ja mu se zahvaljujem na tome i pozivam Kantonalnog tužioca, gospodina Mirsada Bilajca da izađe za govornicu i dakle, prije svega, saopći kakvo je stanje u vezi sa aktivnostima Kantonalnog tužilaštva, a u vezi sa pitanjima procesuiranja ratnih zločina počinjenih u Bosansko-podrinjskom kantonu Goražde za vrijeme agresije i rata u Bosni i Hercegovini.

Bilajac Mirsad – Kantonalni tužilac dao je obrazloženje po Informaciji o radu Kantonalnog tužilaštava Goražde.

U diskusiji po Informaciji o radu Kantonalnog tužilaštava Goražde u vezi postavljenih poslaničkih pitanja u Skupštini Bosansko-podrinjskog kantona Goražde, učestvovali su: Džemidžić, Envera, Adis Agović, Mesud Borović, Damir Žuga, Mehmed Turčalo, Alija Begović, Emir Frašto.

Begović Alija – predsjedavajući Skupštine

Pošto niko više ne traži riječ dajem priliku g-dinu Tužiocu da u okviru svojih ovlasti i mogućnosti odgovori na naša pitanja.

Mirsadu Bilajca – Kantonalni tužilac

Odgovarao na pitanja poslanika Skupštine Bosansko-podrinjskog kantona.

Begović Alija – predsjedavajući Skupštine

Pošto se niko više ne javlja za riječ, zaključujem raspravu po Informaciji o radu Kantonalnog tužilaštava Goražde u vezi postavljanih poslaničkih pitanja u Skupštini Bosansko-podrinjskog kantona Goražde i predlažem da donesemo slijedeći:

Z a k l j u č a k

Predlaže se Komisiji za ljudska prava, građanske slobode, predstavke, etički kodeks i civilno društvo Skupštine Bosansko-podrinjskog kantona Goražde da održi proširenu sjednicu Komisije sa Kolegijom Skupštine Bosansko-podrinjskog kantona Goražde, premijerom Bosansko-podrinjskog kantona Goražde, ministrom unutrašnjih poslova i ministrom za pravosuđe, upravu i radne odnose u Vladi Bosansko-podrinjskog kantona Goražde i Kantonalnim tužiocem, u roku od 15 dana, na kojoj će se formulisati zaključci vezano za Informaciju o radu Kantonalnog tužilaštava Goražde u vezi postavljenih poslaničkih pitanja u Skupštini Bosansko-podrinjskog kantona Goražde.

Ko je za, molim, da digne ruku? /19 poslanika/

Ima li neko protiv? /Niko/

Da li se neko uzdržao od glasanja? /1 poslanik/

Konstatirama da je Skupština Bosansko-podrinjskog kantona Goražde sa 19 glasova „za“ i 1 „uzdržanim“ glasom donijela slijedeći:

Z a k l j u č a k

Predlaže se Komisiji za ljudska prava, građanske slobode, predstavke, etički kodeks i civilno društvo Skupštine Bosansko-podrinjskog kantona Goražde da održi proširenu sjednicu Komisije sa Kolegijom Skupštine Bosansko-podrinjskog kantona Goražde, premijerom Bosansko-podrinjskog kantona Goražde, ministrom unutrašnjih poslova i ministrom za pravosuđe, upravu i radne odnose u Vladi Bosansko-podrinjskog kantona Goražde i Kantonalnim tužiocem, u roku od 15 dana, na kojoj će se formulisati zaključci vezano za Informaciju o radu Kantonalnog tužilaštava Goražde u vezi postavljenih poslaničkih pitanja u Skupštini Bosansko-podrinjskog kantona Goražde.

Pošto je dnevni red iscrpljen predsjedavajući Skupštine zaključio je posebnu sjednicu Skupštine 11:00 sati.

SEKRETAR SKUPŠTINE

Bašić Midhat

PREDSJEDAVAJUĆI SKUPŠTINE

Begović Alija